

# Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнтъ газетаст

АПРЕЛЕНЬ

17 чи,

1937 ия

№ 44 (718)

ЛКСМ: 7-дс 10  
числ 10783

## КОМСЬ ИЕТЬ ЛЕНИНЭНЬ АПРЕЛЬСКОЙ ТЕЗИСТНЭНЕНЬ

Ютасть 20 иеть се, шкастонть, зярдо минек вождесь, учителесь ды тетясь, революциянь ине гениесь Ленин сермадынзе эсинэ знаменитой апрельской тезисэнзэ. Ленинэнь апрельской тезистнэ ульнесь алкуксонь программас ды планокс буржуазно-демократической революциянь пролетарской революциякс перерастаниянзо кис, минек масторсо социализманть ды социалистической демократиянь изнявкстнэнь кис. Апрельской тезистнэ ульнесь большевистской партиянь мелензэ ды волянзо невтемакс, самодержавиянь ды капитализманть каршо большевиктнэнь ламо иень перть бороцямонь опытэст обобщениякс. Неть тезистнэ целанек лисильть большевикманть основной позициястонзо—буржуазно-демократической революциянь социалистической революциякс перерастаниянь, башка саезь масторсо социализманть изнямонь возможностьтнэнь ды империалистической войнаень большевиктнэнь отношениядот вопростнэст.

Меньшевиктнэ, подлой измениктнэ Каменев, Зиновьев, Рыков ды сынт сторониктнэ мольте тезистнэнь каршо, буржуазно-демократической революциянь социалистическойкс перерастаниянзо каршо.

Ленин ды Сталин решительнойста макссть отпор Каменевнэнь, Зиновьевнэнь ды сынт сторониктнэнь. Апрельской тезистнэнь виде чист трудиянь келей масшатне проверизь эсист опытэст.

Ленинэнь тезистнэ партиянь опытэнзэ кепедизь од сэрис, сын ветясть чаркодевикс ды кеме-чи большевиктнэнь рядс, лансизь смущениянь, кона неявиь кой-кона большевиктнэнь ютксо, конат тандадсть икеле-пелень бороцямонь статиктнэнь эйстэ. Но партиясь целанек кадовсь верноекс эсинзэ вожденть знамянтень, кода тень невтизе большевиктнэнь Всероссийской конференциясь (Сталин).

Партиянь врагтнэнь народной врагтнэнь — контрреволюционной троцкистнэнь предательтнэнь каршо Ленинэнь ды Сталинэнь руководстват коряс бороцязь ине пролетарской революциясь изиясь. Революциядонть мейле нетнэнь перть „Минек советской обществась добовизе сень, што сон уш в основном теизе социализманть, тейсь социалистической строй, лиякс меремс, теизе сень, конанень марксистнэ лиякс мерить коммунизмань васень эли низшей фаза“ (И. Сталин).

ВКП(б)-нь ЦК-нь февральской Пленумсо Сталин ялгась эсь докладсонзо аравсь задача большевикманть тонавтнемадо. Минек славной партиянь героической историянзо тонавтнемасть комсомолецтнэнень, весе од ломаньтнэнень ашти покш школак. Большевистской партиянь историянзо тонавтнемадонть пек покш значениаст Ленинэнь Апрельской тезистнэнь.



СНИМКАСОНТЬ: Соколов художникенть картиназо, конаньсэ невтезь „1917 иень апрелень 3 (16) чистэ Петроградов В. И. Ленинэнь самозо“. (Революциянь музеенть материалтнэст). Фотось (Союзфото).

## ЭМИГРАЦИЯСТО РОССИЯВ ЛЕНИНЭНЬ САМОЗО

1917 иень февральской революциянь шкастонть Ленин ульнесь Швейцариясо. Кодак тензэ пачкодсть переворотонть кувалт васень кулягнэ, партиянь вождесь решизе седе курок туемс тов, косо кирвазиль революциянь толось.

Но кода понгомс революционной Россияв? Англиясь ды Франциясь, конатнэнь кедьсэ ульнесь сообщениянь весе китне, Петроградов эсть нолда большевиктнэнь, седеяк пек Ленинэнь. Сын парсте содылизь Ленинэнь отношениянзо грабительской войнаень. Капиталистнэ парсте чаркодильть, кода „убыткат“ большевиктнэ могоут тест теямс, империалистической грабительской войнаень разоблачениясонзо.

Ленинэнь эзизь нолда Россияв. Сон арсинзе весе способтнэнь. Временной правительстванть эндо лездамонть лангс а мезь ульнесь кемемсак. Эрявь вешнемс лия ки, конань эзга можнать бу понгомс Россияв. Ленин эзь удсе зярды вень перть, арсесь, кода бу понгомс Россияв. Сонензэ кадовкшинось аняк вейке ки: туемс Германиянь трокс, меремс русской правительстванть, штобу сон русской эмигрантнэнь полавтовлинзе германской военнопленной тнэнь лангс, лиякс меремс, штобу Германиясто улевельть нолдазь Россияв русской эмигрантнэ, Германияв жо улевельть максозь Германиянь ломаньтне, конат войнань шкастонть саезельть Россияв пленс.

Германиянь трокс ютамонь планонть аравтокшиные Мартов (содавикс меньшевикесь) седе мейле зярдо кармасть улеме содазь, што Английской правительствась Россияв а нолдасынзе сетнэнь, конат

молить войнаень каршо. Мартонь планось примазель эсертнэнь партиянь, бундовецтнэнь ды меньшевиктнэнь представителест совещаниясо.

Ленинэнь савсь согласамс Германиянь трокс большевиктнэнь ютамодо Мартонь планонть марто. Ленин сеске уш чаркодсь, што Германиянь трокс большевиктнэнь ютамонть кувалт азаргадозь кармить онгомо оборонечтнэ ды буржуазиясь, секс Ленин пек покш значения максиль ютамонть аноктамонь эрва мероприятиянь документациянтень. Сон парсте пурниль весе доказательстванть, конат лангс таргасть Временной правительстванть сопротивлениязо большевиктнэнь нолдамонть. Швейцариясто туемадонзо Ленин кортнесь кой-кона интернационалистнэнь марто.

Ленинэнь мереманзо коряс Фриц Платтен—Швейцарской социалистической партиянь секретаресь тейсь германской представительтнэнь марто соглашения, конань коряс: пропуск максовиль весе эмигрантнэнень, войнаень сынт отношениянь лангс апак вано ды эмигрантнэнь вагонсонть а тейнильть обыск, контроль эли проверямо.

Лия эмигрантнэнь группа марто, Ленин ташто стилень коряс мартонь 26-це чистэ тусь Швейцариясто Стокгольмав. Сынт ильтинзе Фрица Платтен, кона организовизе Германиянь трокс ютамонть. Стокгольмасто Ленин лия эмигрантнэнь марто Финляндиянь трокс сась Петроградов.

### ЛЕНИН ПЕТРОГРАДСО

Союзной империалистнэ пштистэ вансть Ленинэнь эрва эськельк-

сэнзэ мельга. Апрель 3-це (16-це) чистэнь, зярдо Ленин сась Петроградов, английской посольствась макссь омбо мастортнэнь марто тевень ветямонь коряс русской министерстванть сермине Ленинэнь характеристика марто.

„Ленин—паро организатор ды пек опасной ломань,—мерезель се серминесэнь,—ды, пек вероятно, Петроградсо ламо кармить улеме сонзэ последователензэ“.

Секс чистэнь жо министранть сась сермине французской посолонть пельде, конаньсэ истя жо сермадозель Германиянь трокс Ленинэнь ютамодонзо.

Ушодовсть кенгелямот Россияв Ленинэнь самодонзо. Союзной империалистнэ кепедсть Ленинэнь каршо травля. Сонзэ чумовдсть Германиянь лезэс чуть ли аволь государственной изменасо. Временной правительстванть эндо ушодозь травлянь ветясть весе буржуазной ды оборонческой газетатнеяк.

Весе—английской империалистнэнь эйстэ саезь русской эсертнэнь ды меньшевиктнэнь видсь пачкодэзь—весе вейкедэст кенгелясть Ленинэнь лангс, сонзэ каршо ставтсть удалов кадовица массатнэнь, кортасть, будто большевиктнэнь вождесь тейсь шпионаж Германиянь лезэс.

Яла теке пролетариатось ды солдатско-крестьянской массатне эсть кеме гнусной кенгелямонть. Апрель 3-це (16-це) чистэнь, зярдо сась Ленин, Финляндской полконть 3-це ротась тейсь буржуазиянь ды мелкобуржуазной лагерьстэнь сонзэ приспешниктнэнь кен-



# ЛЕНИНЭНЬ АПРЕЛЬСКОЙ ТЕЗИСЭНЗЭ

И. Ганичева

Ленин эмиграциясто Россияв сась 1917 иень апрелень 16-це чистэнт. Зярдояк астутови се, кода Петроградсо, финляндской вокзалонть вакссо, солдатнэ ды матростнэ вастызь пролетариатонь ды большевистской партиань вожденть. Трудиятнень пельде кенярдомань поздоровтнэнь Ильич броневик лангсто отвечась масторлангонь социалистической революциянь кис бороцямом пламенной терде-масы.

Омбоце чистэнт, 1917 иень апрелень 17-це чистэнт, большевиктнэнь промкссо Ленин тейсь доклад революционной пролетариатонть задачатнеде ды ловнынзе эсинзэ знаменитой апрельской тезисэнзэ. Апрельень 20-це чистэнт неть тезистнэ печатазельть „Правдасо“ Ленинэнь статьясонзо „О задачах пролетариата в данной революции“.

Апрельской тезистнэнь пек покш значениаст минек партианть историясонзо. Неть тезистнэс Ленин макссь исторической од условиянэс пролетариатонть революционной действиянь конкретный план, аравсь чаркодемск лозунгт, конат робочейтнэнь ды бедной крестьянтнэнь мобилизовизь социалистической революциянь кис бороцямонтень.

„Россиясо неень шканть своеобразиезю,—корты Ленин апрельской тезистнэс, ашти революциянь васень этапстонть, конась пролетариатонть аволь сатышка сознательностензэ ды организованностензэ кувалт властэнь максызе буржуазиянтень,—сонзэ (революциянт—ред.) омбоце этапонтень ютамосонт, конась (омбоце этапось.—ред.) властэнь должен максомс пролетариатонть ды крестьянстванть сех бедной слойтнэнь кедьс“. (Ленин, XX том, 88 стр., II-це нолдавкс).

Буржуазиясь, кона февральской революциядонть мейле сась властэнтень, икелев ветясь грабительской империалистической войнанть. Модась икеле ладсо ульнесь помещиктнэнь кедьсэ. Контрреволюционной Временной правительствась эзь арсеяк ды тензэ а кодадь решамс эрямонь сех важной вопроситнэнь, конатнень кис Россиянь робочейтне ды крестьянтне кепететь революционной бороцямос.

Пролетариатонть партианть пельде Ленин веши, штобу массатнень икеле лангс таргамс Временной правительстванть классовой при-роданзо. „Кодамояк лезкс а максомс Временной правительстванть,—сермады Владимир Ильич,—толковамс сонзэ весе алтамотнень допроконь лживостенть“... (XX том, 88 стр., II-це нолдавкс).

Временной правительстванть а кода ульнесь ертомс сеске жо, шкань атак ютавтне, секс што сон нежедил советизэс сехламотнень лангс, советтнэнь прывтокс жо ульнесь меньшевиктнэ ды эсертнэ. Ленин таго ды таго тешксты Временной правительстванть классовой империалистической сущностензэ массатнэнь цидярдозь толковамонь задачанть.

Войнантень отношениядонть вопроссь се шкастонть аравтозель васень таркас. Владимир Ильич сех покш вийсэ невтнэсь се обстоятельствоанть лангс, што Россиянт эндо ды Временной правительстванть пингстэ войнась „безусловно кадови грабительской империалистической войнакс те правитель-

стванть капиталистической характерэнзэ кувалт...“ Ленин специальна сермады массатнэнь, кода мерить, „революционной оборончествадонть“. Массатнэнь ведь буржуазиясь ды социал-оборончтнэ кортнэсть, што Россиянтень войнась эряви будто аволь империалистической завоеваниянтень туртов, но будто монархической Германиянтэ эйстэ революциянт ванс-томанзо туртов.

„Революционной оборончествань массовой представительтнэнь келей слойтнэнь а сеповикс добросовестностест кувалт,—корты Ленин,—конат войнанть признают ансяк эрявикс-чинть коряс, но аволь завоеваниянь кис, сень кувалт, што сынст манинзе буржуазиясь, эряви сех пек парсте, кеместэ, цидярдозь толковамс тест сынст ильведьксэст, толковамс капиталонть а юксевиктэ скулмавоманзо империалистической войнанть марто, евтнемс, што войнанть прядомс алкукс демократической, аволь насильнической, мирсэ а кода капиталонть атак ерто“ (тосо жо. 87—88 стр). Ленин большевиктнэнь терди ветямс неть взглядтнэнь армиясо келей пропаганда ды аравсь воювция мастортнэнь солдатост брата-ниань лозунгт.

Большевистской весе тактиканть центральной лозунгкс, конань Ленин се шкантень аравтокшнызе Апрельской тезистнэс, ульнесь: „Весе властэсь Советтнэнь лозунгось. Аволь парламентской буржуазной республика должен улемс Россиясо, „но Робочейтнэнь, Батрацкой ды Крестьянской Депутатонь Советтнэнь республика весе масторонть келес, алсе таркатнэстэ саезь верев пачкодемс“ (тосо жо 88 стр.). Большевиктнэнь партианть задачазо неть условиянэсэ

ульнесь сеньсэ, штобу лангс таргамс меньшевиктнэнь ды эсертнэнь предательстваст, конат мольсть контрреволюционной буржуазиянт кедь ало, саемс Советтнэнь ды теемс сынст большевистскойкс.

Тезистнэсэ аграрной вопросонть специальна тешкстазь, Ленин аравсь помещикень модатнэнь саемань ды вообще весе модатнэнь национализациянь (Советской государстванть кедьс ютамонь) большевистской лозунг. Сестэ уш Ленин тешкстакшнызе помещиктнэнь кедьстэ саезь парочинть тевс нолдамонзо государственной об-разцовой покш предприятиянь (совхозонь) теаманть туртов. Ленин кортась, што большевистской партиантень эряви крестьянтнэнь тердемс помещиктнэнь весе модатшкань атак ютавтне саеме, Учредительной Промксонть атак учне. Ленин аравсь вопрос Батрацкой Депутатнэнь Советтнэнь организова-модо.

Апрельской тезистнэсэ овси арасель тешкстазь се, штобу шкань атак емавтне ютамс социализмантень, кода снартнэсть сынст (тезистнэнь) толковамо болшевистской партианть врагтнэ. Ленин веши социализмантень переходной мерат, истят мерат, конат ансяк могуткак масторонть ванстомс ка-ладоманть ды вачо-чинть эйстэ. Неть мератне—весе банкатнэнь вейке банкакс теамась ды сонзэ роботанзо мельга Советтнэнь эндо контролесь, истя жо общественной весе производстванть ды продук-татнэнь явшеманть мельга Советтнэнь эндо контролень аравтомась.

Меедьс пелев, внутривартийной вопростнэ: седе курук тердемс партианть с'езд весе пек важной задачанть решамонть туртов, конатнэнь (задачанть) аравтынзе революциясь; теамс партийной од программа ды полавтом партианть лемензэ. „Социал-демократия“ икелемэ лементь таркас, конань („социал-демократиянт“) официальной вождьтне весе мирсэнт минизь со-

-циализманть, ютасть буржуазиянтэнов, Владимир Ильич мерсь минек партианть ловомс Коммунистической партиакс, кода эсь прятловость Маркс ды Энгельс. Ленин седе тов невти, што большевиктнэнь эряви эсист лангс саемс Коммунистической III-це Интернационалонь теаманть.

Ленинэнь апрельской тезистнэтейсь покш переполох револю-циянт врагтнэнь лагерьсэ. Меньшевиктнэ, эсертнэ, сынст марто жо вить ды „керш“ оппортунистнэ—Каменев, Рыков, Пятаков ды лиятне, кургсост чов марто пижнэсть ленинской стратегической пла-нонтэ „несостоятельностедензэ“. Сын тандадтсь сыця бороцямонть стакатнеде ды эсть кеме Россиясо социалистической революциянтэ изнямонть.

Социалистической революциянтэ гнусной предательтне ды капита-лизманть реставратортнэ, фашиз-манть агенттнэ, конат ней лангс таргазь, сестяк уш партианть каршо ветясь азаргадонь боро-цямом.

Ленин ды Сталин макссь пек кеме отпор Каменевень, Рыковонь Пятаковонь, Сокольниковонь ды лиягнэнь меньшевистской весе вы-лазкатнэнь, конат (Каменев, Ры-ков, Пятаков, Сокольников ды лиятне) минек масторсо социалистической революциянтэ изнявксон-зо возможностеденть вопросонть алкуксонь тевсэ ульнэсть Троцкий предателенть позициянзо лангсо. Партийной организациянтень эйстэ пек седе ламотне ульнэсть Лени-нэнь апрельской тезистнэнь кис. Большевиктнэнь апрельской кон-ференциясь, кона эсь значениянзо коряс ульнэсь прок партийной с'езд, парсте невтизе большевист-ской партианть единстванзо ды кеместэ пурнавоманзо эсинзэ ине вожденть перька, генеральной ли-ниянт коряс, конань разработал Ленин.

Ютасть комсь неть седе мейле, кода ульнэсть сермадозь апрель-ской тезистнэ. Минек партианть генеральной линиянзо, кона тешк-тазь Ленинэнь неть тезистнэс ды разработанной апрельской конфе-ренциясонть,—воплощенной соци-алистической революциянтэ анокс-тамонзо коряс большевиктнэнь боевой роботасост. Ленинской стра-тегиясь ды тактикась, кона тешк-тазель апрельстэ, педепев изнясь 1917 иень октябрь ковстонть. Со-циалистической ине революциясь—сех парсте невти большевист-ской те линиянт виде-кс-чинзэ. Пролетарской революциянтэ ине изнявксонть лезэст-парост минь ней СССР-сэ нейдяно эрява эсь-кельксэнтэ. Социализманть неть изнявксонть кемекстазь Сталинской Конституциясонть. Од ломантьне-нэнь эряви парсте тонавтнемс боль-шевистской партианть героической кинзэ. Большевикмань наукантэ содамонь тевсэнтэ пек важной значениязо Ленинэнь апрельской тезистнэнь ленинизманть победо-носной стратегиянь ды тактикань ине документэнтэ.

## ЭМИГРАЦИЯСТО РОССИЯВ ЛЕНИНЭНЬ САМОЗО

(П е з э)

гелямост каршо протестэнь резо-люция.

Петроградонь робочейтне пек покш кенярдом марто вастызь эсь вейкевикс вожденть. Ошонть эр-ва эндо мольсть финляндской вокзалонть покш демонстрацият. Ленинэнь соратниктнэ, большевистской партианть боецтнэ, мольсть приветствовать сень, кие теизе, организовизе ды кастызе-кемек-стызе героической партианть. Ре-волюционной солдатнэ ды матрост-нэ мольсть указания мельга, кун-солост боевой лозунгтнэнь.

Ленинэнь вастомо якасть мень-шевиктнэяк. Большевистской ли-дертнэ якасть сень туртов, штобу Владимир Ильичень кармавомс лоткамо большевистской линиянтэ кис бороцямонть эйстэ, мольсть, штобу сонзэ сеземс массатнэнь эйстэ.

Но Ленин эзинзе кунсолэ мень-шевиктнэнь. Сон лиссь вокзалонть ступенькатнэнь лангс. Площадь-стэнтэ виевстэ „ура“ сееремат ва-стызь вожденть. Ленинэнь лез-дасть куземс бронемашина лангс. Проектортнэ валдосто невтсь

Владимир Ильичень. Пурнавозь ло-маньтнэнь Ленин тердсь мастор-лангонь социалистической револю-цияс. Ленинэнь кортамозо сеске жо революциянт кепедизе од сту-пеньс.

Революциянтень эрявсь пек покш виень прев, штобу чаркодемс про-тиворечиянтень бойкасто теевезь переплетсонть ды массатнэнь видестэ невтемс маласо шкань сынст целест.

Эрявсь пек кеме воля, штобу ви-де киява массатнэнь ветямте це-лентень.

Мыслянь ды волянэ истямо ги-ганткс, конань эйс пурнавозель весе мастортнэсэ трудиянтнэнь революционной бороцямонь опы-тэсь, кона (гигантось) аштесь про-летариатонть задачанть научной чаркодемань сэрсьэнтэ,—истямо гигантокс самай ульнэськак Вла-димир Ильич Ленин. Революциянтэ вождееь занизе эсинзэ тарканзо.

(Теезь „СССР-сэ гражданской войнанть историянзо“ васень томонть 3-це главанзо коряс).



## Зярдэ урядасызь спорт площадканы

Чамзинкасо средней школань ули эсиньэ спортивной площадкэ. Ней вана сась тундось, тонавтницятне перемена шкасто весе шканть ютавтуть ушосо. Вадрабу улевель ютавтомс шканть спортивной площадкэсонт, но сон апак уряда.

Тонавтницятне умок уш кортнесь тень коряс комсомольской организациянтень, но мезеяк эзь лисе, площадкэс икеле ладсо ашти апак уряда. Тирсэнтэ эйкакштнэ леднить налто.

Паряк комсомольской организации кунды те теветень ды миек, тонавтницятнень лездемост марто, урядасызь спортплощадканы.

Н. Симдянов.

— 000 —

## Клубсонть видьмекст

Чамзинка. Хлыстовканы „Красный Октябрь“ колхозонь ды велень руководителтне тундонть самонзо марто клубонть теизь утомкс, косо яровизировать видьмекст. Мартонь 17-це чистэ велень од ломаньтне арсесть теэмс постановка, но сонзэ невтемс ульнесь а косо.

Клубонь заведующеесь Бабин (сон жо парторг) аволь весть кортнесь руководителтнень тень коряс, но сынст пилест а марить неть кортнематнень.

А. Грошев.

— 000 —

## „Медик“

Мокшэрзянь АССР-нь Совнаркомсонть физкультураны ды спортонь комитетэнтэ путовксонзо коряс Саранскойсэ организовазь физкультурной команда „Медик“. Те командантень совасть весе физкультурниктнэ, конат роботыть медико-санитарной тевсэ. Аволь умок „Медик“ командас тейнесь физкультурной васень выступления.

Ф. Б.

Я. Бучилов

## Владимир МАЯКОВСКИЙ

(1930—1937 иетне)

„Пускай нам общим памятником будет построенный в боях социализм“.

(В. Маяковский — „Во весь голос.“)

Сисем неть ютасть Владимир Маяковский — революционной пек покш поэтэнтэ кулома чидензэ мейле. Маяковский значенианзо ды советской поэзиясонть сонзэ тарканзо Сталин ялгась лови истия: „Маяковский ульнесь ды кадрави минек Советской эпохань сех вадра, толантливой поэтэкс.“

Октябрьской ине революциянь васень читнестэ жо Маяковский максызе пролетариатонть служамо весе эсинзэ поэтической пек ложш талантонзо. Ды эсинзэ мелеш читнень самс сон работась, прок поэт, конань „мобилизовизе ды тердизе революциясь.“

Революциянтень Маяковский сась касозь, алкуксонь поэтэкс. Сонзэ творческой багажсонзо лововсть уш истят покшт произведений, кода „Облако в штанах“, „Война и мир“, „Человек“, конатне сермадозь империалистической вой-

## Од ломаньтнень эйстэ сезевесть

Чамзинкань район. Хлыстовка велень аволь полной средней школань комсомолонь организациясонть а беряньстэ аравтозь комсомолетнень ютксо политтонавтнемась. Ули роботаяк. Яла теке те организациясь допрок сезевезь од ломаньтнень эйстэ. Организациясонть 12 комсомолетнень эйстэ кавксотне преподавательтэ ды анык нилетне — тонавтницят.

Комсомолонь организациясь а вети робота, сень коряс, штобу

икеле молиця тонавтницятнень аноктамс комсомолс. Школасо тонавтницятнень ютксо арась политико-воспитательной робота. Комсомолонь организациясь мезеяк эзь тее сень коряс, штобу тонавтницятнень ютксо парсте, томкасто толковамс Сталинской Конституциянтэ, ВКП(б) нь ЦК-нь февральской Пленумонть решениянтень, Сталин ялганть докладонзо ды заключительной валонзо.

Н. С.

## Решениянтне стувтовсть

Чамзинкань район. Хлыстовка велень комсомолонь первичной организациись од тейтерь-аватнень ютксо а вети культурно воспитательной робота. Вестькак эзь пурнакшно од тейтерь-аватнень промкс. Эзизь толкова Сталинской Конституциянтэ.

1936 иентэ прядовомсто ютавтомсь од тейтерь-аватнень республиканской конференция, косо при

мазельть решеният од тейтерь-аватнень ютксо робогдонть. Чамзинкань райкомось стувтынзе неть решениянтень, первичной организациинтэ сынст а содасызгак. Райкомоськак, первичной организациинтэ мектыкак а тейнгит, штобу алкукс топавтомс од тейтерь-аватнень республиканской конференциянтэ решениянтень.

Н. Калеев.



СНИМКАСОНТЬ: В. В. Маяковский. Перьканзо эсинзэ рисунок Фотось (Союзфото).

Нань иетнестэ. Эксплуататорской обществанть, весе сенень, мезесь ломаньтэ теи „тупойкс ды покорнойкс“, ненавистень виентэ коряс неть произведениянтень кондат арасельть революциянь шкадонть икелень весе русской поэзиясонть.

Эшо Октябрядо пек седе икеле Маяковский ловсь эсинзэ эйсэ человечествань обществасонть лепштызтнень кис аштицякс, конатне кадовсть уцяскавтомо ды покордазь капитализмасонть. Сон эсинзэ поэтической вайгелензэ кепедизе империалистической войнанть каршо, конась истожась ды тейсь калекс зяряя кемень миллион ломанть.

Никто не просил, чтоб была победа родине начергана. Безрукому огрызку кровавого

обеда на чорта она?! („Война и мир“)

Зярдэ жо састэ Октябрьской событиянтэ, поэтэсь апакавтолдо ды кеместэ стась социализманть жисэ бороцямонь рядтнэс. „Примамс эли а примамс, — корты Маяковский эсинзэ автобиографиясонзо, — истямо вопрос монь туртов... арасель. Монь революциясь. Молинь Смольноев. Роботынь весе, мезе савсь“.

Революциясь Маяковскийнень панжинзе бороцямонь смысланть ды пельтнень, сонзэ кепедизе поэ-

## Кинот овси а эрсить

Дубенкань район. Кенде велень колхозниктнэ ды трудиянтне кавтомс ламо шкань перть эсть некшне кинокартинат. Арась, кодаяк районсто тей а савить. Тоско Дубенкасо эрсить кинот, велетнень жо, колхозниктнэ стувтызь, эли уш пек нузякст, а велетнень, а сыргсевичят кинотрестэнь отделениянтэ роботниктнэ.

Сыркин.

Редакциянтэ пельде. Минь печатакшнынек уш зяряя заметкат, косо Дубенкань райононь велетнень трудиянтне, од ломаньтне пенянгит, што а эрсить кинот. Но мезе мейлеяк кинотрестэнь районной отделениась мезеяк эзь тее, штобу трудиянтнень невтемс советской киноматографиянтэ сех паро фильманень. Ней ушодовсть паксянь роботагнэ. Эряви парсте аравтомс колхозниктнэ культурной обслуживаниянтэ ды тесэ покш ролезэ улезэ кинотнэ. Кемдяно, што республиканской кинотрестэсь карми улеме седе ливчаки ды кармавтсынзе роботамо районтнэва эсинзэ отделениянтень.

— 000 —

## Трахоматозной пункт

Покш Березникень район. Седикеле Шугурова велень малав весе эричитне сэредилть сельмень сех опасной ормасо — трахомасо. Ламонь те ормась сокорогавтськак. Лециям ульнесь а косо.

Ней, седе башка, што районной велесэнтэ ули больница, косо лецит сельмень орматненьгак, — тоско Шугуровасо панжст трахоматозной пункт.

Советской властенъ пингстэ Шугурова велесэ седикелень коряс пек седе аламолгадсть трахомасо сэредицятне. Ней эрватантень ули косо лециям те ормась.

Шугуровань трахоматозной пунктсонть роботы Охотин ялгась. Сон пек мелавты сэредицятнень кис. Сех ламо сэредицятнень сон якикудов, тосо леци эйсэст ды макстни эрявикс надобият.

М. Чалдушкин.

зиянь од сэрей таркас, теизе эсинзэ поэтической виев трибунакс. Ды поэтэсь васень марямга являвсть:

Делами,  
кровью,  
строкою вот этою,  
нигде  
не бывшему в найме,  
я славлю  
взвитое красной рзкетом  
Октябрьское  
руганное  
и пропетое,  
пробитое пулями знамя!

Революциясь Маяковскийнень панжсь ки народной массатнень, сонзэ творчестванзо теизе пингень конкретной поэтической выражениякс. Октябрьской шкадо мейлень поэматнесэ „Мистерия Буйф“, „150.000.000“ Маяковский невти минек революциянь шкань покш темат. „Владимир Ильич Ленин“ пек вадра произведениясонть теи смел снартма сенень, штобу пролетарской революциянь ине вождентэ образонзо невтемс рабочей классонть бороцямонзо марто. Октябрьской поэмасонзо „Хорошо“ Маяковский невти ки, конань ютызе пролетариатось капитализманть каршо героической бороцязь ды максы од алкукс-чинь поэтической кемекстамо, конанть теизь трудиянтне.

91 (Пезэ 4-це страницасо)



## Нурькинесть

Ромодановань райисполкомось поддась 3 тышат целковойть культурань ды оймсемань парконть парстеаманть. Парконть ули строизь кизень театра ды танцевальной площадка. 27 тышат целковойть поддась банянь строямс ды социалистической культурань районной Кудонть витнеманть.

Тунда видема шкастонть райононть 27 колхозга карми якомо кортыця кино-передвижка. Теде башка кармить роботамо аволь кортыця кинонь 2 передвижкат.

В. Л. Ананьин,

Дубенкань районсо Кабаевань средней школань учениктнэ ды пионернтнэ тонавтнить противоздушной химической оборонань теветень. Ютавтозь уш васень занятия.

Н. Шишкин.

Саранскоень муздрамучилищась аноксты кизень каникуланенень. Оймсема читнесть чокшне эрсить академической вечерт. Драматической отделениянь студентнэ анокстыть башка отрывкат ды цела пьесат. Вокальной отделенияне анокстыть операт ды оперетат. Инструментальной отделенияне анокстыть концерт программасонть классической ды неень шкань музыка.

Мастяйкин.

Ардатова ошонь библиотекась ловови образцовыйкс. Ды те виде. Сон ушо ендояк, потмо ендояк теезь вадрасто, ванькс, улить цецят. Стенатнесэ понгавнезь минек вождьтнень портретэст. Ули тосо Пушкинень бюст. Башка комнатасо ули радио. Библиотекась получи зярря газетат ды журналт, улить шахматт, шашкат.

Ламо тосо книгат. Эрва чокшие библиотеканть якить тонавтницят, од ломанть, трудницят. Ловытнень обслуживаньясь аравтозь парсте.

А. Панчайкин.

## Владимир МАЯКОВСКИЙ

(ПЕЗЭ)

Маяковский вадрасто чаркодиль, што искусстванть виезе ашти сонзэ народностьсэнзэ. Ды поэтэсь бажась теэмс эсинзэ октябрядо мейлень творчествомзэ весеменень чаркодевксэкс, конкретнойкс, на роднойкс.

Владимир Маяковский, ульнесь советской народонь алкуксонь цера. Сон вечкизе минек родинанть ды эсинзэ поэзиянь весе вийтнесэ борясь сонзэ цветямонзэ кис.

Можна невтемс Маяковскийе ламо кеметь стихотворениянзэ, конат невтить эсинзэ отечественнень сонзэ седейшкава вечкеманзо но, пожалуй, сехте виевзэ ды сехте седейшкава те вечкемась евтязь сонзэ "Советской паспорт-то стихтнесэ". Тесэ невтезь врагтнэнь зверень жест, конат кардонить тона боксто ванить эсист верьгизень сельмсэст минек родинанть лангс, ды минек ине мастонь гражданинанть пек покш гордостензэ, кона яволявты советской паспорт границанть ютамсто:

С каким наслаждением  
жандармской кастой  
я был бы  
исхлестан и распят,  
За то,  
что в руках у меня  
молокастый  
серпастый  
советский паспорт...

## Республиканской войскактнень эцемаст

Апрелень 14-це чистэ фашистской мятежиктнэ Мадриднень фронтсо Харабирас пандонть ды французской сэденть сектортнэсэ тейст пек виев атакат. штобу лездамс Университетской ошкесэнь мятежиктнэнь. Неть атакатнень республиканецтнэ изниязь. Гвадалахарской участкасонт республиканецтнэ шашстэ арагонской кияванть Леданка енов. Зярря пунктнэсэ республиканецтнэ шашстэ 5 километрас. Эскориал ошонть районсо (Мадриднень эйстэ пеле ено—чи валгома енкссо) республиканской войскактне виев артиллерийской анокстамодонть мейле шашстэ 8 километрат, пачкодсть чугунокань-кинь Лас-навас станциянтень.

Республиканецтнэнь эцемаст виевгады арагонской весе фронтсонть. Сарагоссанть эйстэ обед ено—чи валгома енкссо участканть лангсо правительственной войскактне атаковизь мятежиктнэнь позицият Тосос велесэ. Противникенть пек виев сопротивлениянзэ лангс апак вант, республиканецтнэнь атакась, конанень лездась динамитчиктнэнь группась, прядовс успешно. Сазеь ламо ору-

жия, боеприпаст ды 300 прят скотина (Тосос велесь ашти Каринь-енэ ошонть эйстэ 12 километрань таркасо, сонзэ покш значениязо ды ашти сон Сарагосса—Эруэль кинть лангсо). Уэска ошонть районсо республиканецтнэ сайстэ 15 дюймовой 2 орудият, 7,5 дюймовой калибрань орудиятнень батарея, 12 пулемет, зенитной кавто орудият ды ламо винтовкат. Сайстэ 250 пленнойть. Правительстванть самолетнэ виевзэ бомбардировизь мятежиктнэнь позицият Альмудеваранть маласо (Уэсканть эйстэ обед ено—чи валгома енксо). Республиканецтнэнь самолетнэ бомбардировизь истя жо мятежиктнэнь колонаст, конань эйсэ ульнест 60 грузовикт.

Бискайской фронтсо, мятежиктнэнь пек виев сопротивлениянзэ лангс апак вант, республиканецтнэ сайстэ 2 позицият Уркиоланть районсо (Бильбаонть эйстэ обед ено—чи лисема енкссо), конатнень стратегической покш значенияст. Те операциясонть мятежиктнэнь теезель покш зыян, маштозь 150 ломанть ды ранявсть 600 ломанть.

(ТАСС).

## Бельгиясо фашизмнень пораженияст

Апрелень 11-це чистэ Брюссельсэ ульнест бельгийской парламентс вейке депутатонь дополнительной кочкамот. Кочкамотне, конатнень провоцировизь рексиктнэ (бельгийской фашизмнэ), конатнень ульнест мелест ютавтомс парламентс эсист лидеранть Дегрелень, прядовств демократиянт ено ашти-цятнень изнявксост марто. Дегреленть каршо аравтозель неень премьеранть Ван-Зееландонь кандидатуразо (Католик) конань кис аштест партиянтне, конат совет правительственной позицияс—ка-

толиктнэ, либералтнэ, социалистнэ. Премьеранть кандидатуранзо кис истя жо аштес коммунистической партиясь, кона решась голосовамс Ван-Зееландонь кис секс, штобу пек вачкодемс фашизманть ланга.

Ван-Зееландонь кис максозельтэ 275.840 вайгельтэ, лиякс меремс 22 тышат вайгельде седе ламо 1936 иень парламентской кочкамотнень коряс, Дегрелень кис 69.242 вайгельтэ, лиякс меремс малав 5 тышадосе седе аламо меленьсент коряс.

(ТАСС).

## КУЛОСЬ ИЛЯ ИЛЬФ ПИСАТЕЛЕСЬ

Илья Арнольдович Ильф кулось апрелень 13-це чистэ, 22 чассто, тевилявонь туберкулездо.

Илья Арнольдович Ильф шачсь 1897 иестэ Одесса ошс. Сермадомо кармась 1918 иестэ.

Сатирической романтизмнэ "12 стульев" ды "Золотой теленок" сермадызь Евгений Петров марто вейсэ. Неть романтизмнэ листэ зярря изданиясо.

Евгений Петров марто вейсэ Ильф якась Американь Соединенной Штатов ды сермадсть увлекательной очеркт.

И. Ильфень ловныцятне сода-сызь прок талантливой фелетонистэнтэ. Эшо аволь умок, мартовсто, "Правдасо" ульнесь печатазь Евгений Петров марто вейсэ фелетонист "Часы и люди".

И. Ильф ульнесь вадра общественник.

## "Комсомол" ды "Смидович" командатнень судьбасть

Омбо мастортнэнь марто те-вонь ветямонь Народной Комиссаронть энялдоманзо коряс, итальянской правительствась, Франконекедсь эсинзэ представителензэ вельде, кармась содамо "Комсомол" ды "Смидович" советской суднатнень командасть судьбадонть. Неть суднатнень командасть интервировазь (валстозь) территория лангс, конань занязь мятежиктнэ. "Смидович" парходось ашти испанской вейке портсо, конань занязь мятежиктнэ.

(ТАСС).

Ды седе тов:  
я достаю  
из широких штанин  
дубликатом  
бесценного груза.  
Читайте,  
завидуйте,

я—гражданин  
Советского Союза!

Маяковский ульнесь поэзиянь пек вадра мастерэкс. Сонзэ сатотсь виезе ды поэтической размахозо сермадомс сатирической стихотворения бюрократизманть каршо ды седейшкавань лирической стихотворения советской дипкурьердэнтэ Неттеде, невтемс исторической покш событият ды сермадомс стихт эсинзэ шкадонть. Рифмовазь лозунгизнь ды плакатнэс сермадовктызэ пек вадра поэматнес—юткокс пек покш. Но Маяковскийе туртов те ашти вейке покш тевкс. Тесэак ды тосояк вейке вийсэ невтезь революционной страстностесь ды политической целеустремленностесь, кона характерной Маяковскийе весе произведенийанть туртов.

Те политический направленностень—Маяковскийе поэзиянт прок основной ды характерной свойстванзо, "Прозаседавшия" стихотворениянт лангс невтезь эсинзэ шкасто тешкстызе В. И. Ленин.

Владимир Ильич Ленин те стихотворениянт коряс вана месь кортась: "...умок уш мон эзинь марсе истямо удовольствия, политической ды административной

коенть коряс. Эсинзэ стихотворениясонть сон кеместэ раксы заседаниянт ды наргы коммунистнэнь лангсо, што сын яла заседають ды пересаждають. А содан, кода поэзиянь коряс, политикань коряс жо кема, што те допрок виде". (Ленин, 27 т., 177 стр 11 изд.).

Маяковскийе поэзиясо революционной политической пшти-чись аволь весемень мельс тукшнось. Лангс таргазь предательтне ды народонь врагтнэ Бухарин ды Радек, сынст мельга жо кой-кить лия горе-критектнэяк бажасть кекшемс Маяковскийе значениянзо, снартнест теэмс советской поэзиянь знамякс Пастернаконь миненек чуждой поэтической косноязычиянзо ды Сельвинскоень лабордоманзо. Меельс шкань событиянтнень коряс пек чаркодевксэкс кармась улеме неть теидениянтнень контр-революционной сущностест.

Маяковский ульнесь покш эрямонь виень ды од шкань поэтэкс. Сон весе эсинзэ эйсэ бажась весе одонтень, од шкантень, шумбрантень. Паряк тень коряс самай истя малавиктэ ды истя лембестэ мастовсь минек ине масторонь од поколениянт мартояк. Сон вечкинзе од ломаньтнень покш поэтэнь ды покш ломанень вечкемасо. Сон кенардсь инициативной эрва од движениянтень, кона касылс комсомолонть рядтнэсэ, ды вейсэ комсомолонть марто борясь чуждой, классово-враждебной влиянтнень каршо, конасонть ульнест сазеь минек од ломаньтнень кой-кона слоятне.

Кияк, зярдоак Маяковскийнень

эзь макстне комсомольской, од ломанень поэтэнь официальной "титул". Но Маяковский ульнесь истямо поэтэкс седе пек, кой-кить коряс. Ды "од шкань" чаркодевмантень сон путсь аволь анык кемгавксово иетнень, но лия седе покш ды значительной.

Коммунизм,  
это—молодость мира,  
и его  
возводить  
молодым.

Партиянт ды комсомолонть марто вейсэ Маяковскийе борясь социалистической од ломаненть кисэ. Сон кеместэ чавсь паксадо ды миненек враждебной политической настроениянтнень ды чувстватнень. Антисемитизмась, хулиганствась, мешанствась, разложение, бюрократизмась, подхалимствась—весе неть мусть истожамонь критика Маяковскийе творчествомсто. Саты ловномс куш бу истят стихотворениянзо, кода "Служака", "Подлиза", "Трус", "Сплетник", "Ханжа", штобу кемемс тенень. Мик сынсь лемтне кортыть эсист кис.

Весе неть боевой качестваине Маяковскийе поэзиянт теить пшти, а чемееневица орудиякс, конатапи минек классовой врагтнэнь. Минек советской эпохань вадра, талантливой поэтэнт Маяковскийе традициянзо кармить эрямо революционной социалистической поэзиясонть, поэзиясонть, кона одс теи мирэнт ды ломантень.

Отв. редакторсь М. ЛЮПАЕВ